

Izigi ZABALIMI

The official NEWSLETTER of SAFDA



RV PRICE FEBRUARY 2020: R 4 190,09 (R19.87 increased VS January 2020 Price). D Factor 0,398603

Uhlonishwe Ngumengameli Wezwe Ngendondo Usekela-Shlalo Wakwa-SAFDA

USEKELA-SHLALO wenhlango emele abalimi bamoba abamnyama u-SAFDA uNkk. Sipiwe Sithole uhlonishwe ngendondo ebizwa ngePresidential Honorary Award ngeqhaza alibabile kumkhakha wezokulima esiFundazweni saseMpumalanga.

Ukuhlonishwa kukaSithole ngendondo nguMengameli wezwe uMnu. Cyril Ramaphosa kuyingxeny yohlelo lweminyaka elishumi yokubheka ukuthi ingabe lingakanani ibanga eselihanjwe iNingizimu Africa kusukela ngonyaka ka-1994 kuya ku-2019 elakuleli lathola inkululeko, lomcimbi ububanjelwe eNyuvesi yaseMpumalanga eMbombela ngoNovemba wangonyaka odlule.

USithole uthe inhloso yokuhlonishwa kwakhe kungenxa yokusebenza kanzima nangokuzikhandla kwenhlango yabo iMawewe Communal Property Association (CPA) ngesikhathi babuyelwa umhlaba. "Sisebenza kanzima ukuze siqinisekise ukuthi simele bonke abantu besifazane bakuleli ngendlela efanele siphinde futhi siveze kucace ukuthi yini esiyenza ngomhlaba esinawo." Kusho uSithole

USithole ngokuhlala ungawase ndaweni yaseNkomazi esiFundazweni saseMpumalanga nokuyilapho futhi besebenzela khona kanti umgonye wabantu ebebengawunakile umkhakha wezoLimo njengomsebenzi ongababekela ukudla etafuleni ngesikhathi besakhula kodwa ngokuhamba kwesikhathi babona lomkhakha umgonye abangakwazi ukuziphilisa ngawo bacebe ngoMhlaba abanawo njengoba nokulima kuyinto abanogqozo kakhulu kuyona. Kulo mhlaba abanawo uSithole usekwaze ukudala amathuba emisebenzi alinganiselwa kumakhulu ayisithupha (600) kanti kubona labasebenzi bangaphezu kwamakhulu



The Deputy Chairperson of the South African Farmers Development Association (SAFDA), Mrs Sipiwe Sithole, receiving her prestigious Presidential Honorary Award for her sterling contribution to farming in Mpumalanga.

amathathu (300) abaqashwe ngokugcwele. USithole uthi "inhlangano yethu iphinde ibe nohlelo lokusiza umphakathi olubizwa nge Corporate Social Investment (CSI) nokuwuhlelo olusiza kakhulu ezikoleni zendawo abasebenza ngaphansi kwazo, abantu abasha kanye nezinselole ezibhekene ngqo nomphakathi".

IMawewe Communal Property Association iqale ukulima ngonyaka ka-1996 besebenzisa umhlaba ongama-Hektha ayisikhombisa. Ngemuva kokuhlomula ngomunye umhlaba ngonyaka ka-2015 lenhlango yabe isiqala ukwandisa izitshalo ezahlukene okubalwa kuzona uBhanana, uMango kanye noMoba. USithole uqhuba ngokuthi kusakhona izinselole abasabhekene nazo emkhakheni kamoba ngenxa yezingqinamba abasabhekene nazo ngenxa kashukela ongena kuleli bese udayisa ngamanani aphansi uma uqhathanisa noshukela okhiqizwa kuleli, uthi lokhu ikhona okuba yimbangela yokuthi izitatimende zabo zasemabhange zifike zino-negative ngenxa yokuthi abasakwazi ukwenza inzuzo eyanele. uSithole unxexxa ukuba

kube khona intela eyehlukile kashukela wangaphandle ngoba ukholelwa ukuthi lokho kungaba isisombululo sokuthi abakhiqizi bakashukela wangaphandle bephelelwe umdlandla wokuqhubeka bephakele elakuleli ngoshukela.

Udaba lokubuyiselwa komhlaba kubantu kusawudaba olusadingidwa ePhalamende likaZwelonke. Udaba lokubuyiselwa komhlaba kubantu ngaphandle kwesinxephezelo olunye udaba olwaludingidwa iqembu elibusayo kwinkomfa yayo yokukhetha ubuholi eyayibanjelwe eNasrec ngonyaka ka-2017 nolungaphansi kwesigaba somthethosisekelo uSection 25. "Kusiphatha kabi uma sibukela izinkulumo mpikiswano zasePhalamende ezithinta udaba lomhlaba kuzwakale abanye abaholi bekhuluma engathi asikwazi esingakwenza ngomhlaba uma ungabuyela kubantu, Mina ukuba nomhlaba ngikuthakasela kakhulu futhi ngiyafisa ubuye kubantu bakithi abamnyama ngoba yiwona ongenze ngafika kulelizinga engikulona manje". kuphetha uSithole.



Ishiye Isithombe Senqubekela Phambili Inkomfa Yezokubuyiselwa Kwemhlaba



Abalimi baseMpumalanga ngesikhathi bethamele inkomfa ebiqhubeka

Inhlangano yabalimi bakamoba (South African Farmers Development Association) isingathe inkomfa yezinsuku ezimbili esifundazweni saseMpumalanga nokwakudingidwa kabanzi ngezinselo ezibhekene nabantu asebabuyelwa umhlaba wabo kodwa abawusebenzisa ngaphansi kwemigomo nemibandela yabalingani babo esiFundazweni iMpumalanga nagecina asebashiya becwile ezikweletini futhi bengenzi nzuzo ngomhlaba wabo.

Lenkomfa yayibanjelwe ngaphansi kwesiqubulo esithi:

“Umhlaba awuhlomulise abantu abafanele emphakathini” Kanti lenkomfa ibithanyelwe izinhlaka ezahlukene okubalwa abalimi ababuyelwa umhlaba wabo ngabodwana, amalungu amakomidi ezikhungo ezithinta ezomhlaba, Abamele abanikazi bamaprojekthi asebenzisana nabanikazi bomhlaba, abemboni kaShukela kanye nezinhlaka ezifanele ezazimele iminyango kaHulumeni waseMpumalanga.


UHLA LWAMAPHUZU OKWAKUDINGIDWA NGAWO KWINKOMFA:

1. Izinselo eziqhamuka ngezivumelwano ezenziwa kade kusayindwa izinkontileka phakathi kwabanikazi bomhlaba kanye nabanikazi bamaProjekthi abasebenzisana nabo.
2. Ukuqhamuka nezindlela zokuqeqesheka kwabalimi ukuzebenamakhono okuphatha ibhizinisi.
3. Ukufaka isicelo sezimvume sokuba

4. Ukuqhamuka nezindlela ezingasiza abalimi ukuze babe yingxeny yamabhizinisi ezolimo bephinde bakwazi ukudayisa imikhiziqo yabo
5. Ukuqhamuka nezisombululo ezinkingeni ezifanayo eziphakanyiswe abalimi ikakhulukazi labo abaphakamisa ukungagculiseki kwabo ngokuthile (Concern groups).
6. Ukuqhamuka nezisombululo kwizinkinga eziqhamuka nezindlela ezisetsenziswe ukusingatha udaba lokubuyiselwa komhlaba

Imboni kaShukela ibone umhlaba olinganiselwa kumaphesenti angamashumi amabili nambili (22%) umhlaba obekutshalwa kuwo umoba usuka ezandleni zabantu abamhlophe ubuyela ezandleni zabantu abamnyama. Lokhu kuhlenganisa umhlaba ongama-hectare angu 76 538 womhlaba obuyisiwe, lokhu kubala amaphesenti angamashumi amane (40%) kuphela omhlaba okutshalwe kuwo umoba. Uhulumeni wakuleli usebenzise imali engaphezulu kuka R2,3 billion ukuthenga amasimu kulabo ebebengabanikazi bawo abamhlophe ezindaweni ezingaphezulu kwamakhulu amabili namashumi amathathu nanye (231) (Trusts and CPA's). Izindlela eziningi ebezisetsenziswa ngemuva kokubuyiselwa komhlaba bezibala izivumelwano zokuthi labo abebevele belisebenzisa leloPulazi eselibuyele emphakathini beqhubeka belisebenzise ngaphansi kwesivumelwano esithize kanti labo bangamaphesenti angamashumi amathathu nesishiyagalololunye (39%),


labo abaziphathele amaPulazi abo babalelwa kumaphesenti angamashumi amathathu nanye (31%) bese labo abaphethe ngokubambisana nabanini bakudala bangamashumi amabili nanye (29%) bese kuthi labo abawaphethe ngokubambisana bewumphakathi bayiphesenti elilodwa (1%) noma bevele besebenza kulowomhlaba. Kanti ngaphandle kwamaphesenti angamashumi amane (40%) omhlaba kamoba osezandleni zabantu abamnyama, abalimi bamoba abasalima ngokuncane kanye nabalimi ababuyelwa umhlaba wabo bakwazile ukubamba iqhaza ekwenzeni umkhiziqo olinganiselwa kumaphesenti asuka kwishumi nambili kuya kwishumi nanhlanu (12%-15%) ngonyaka kwimboni kashukela.



Lezibalo zikhombisa ngokusobala ukuthi umhlaba osezandleni zabantu abamnyama awudingi nokuthi kwenziwe izivumelwano ezigcina zivimbela abantu abamnyama ekutheni bakwazi ukuthi bazandisele izindawo zokulima. Kanti noma umhlaba usubuyelile kubanikazi bawo, abantu bebala elimhlophe basasebenza kulomhlaba bephinde bezenzele inzuzo kuwona. Iningi lemiphakathi ezuzile ekubuyisweni komhlaba kwimboni kaShukela basingathwe izinkinga zokuba sezikweletini. Kunesibalo



Kwesokunxele: Selby Mamba- SAFDA Agricultural Support Manager, Sipiwe Sithole Isekela likaShlalo wakwaSAFDA, Siyabonga Madlala Ushlalo ka SAFDA ngesikhathi kunesithangami sabezindaba



esikhulayo kulemiphakathi ezuzile ngesikhathi sokubuyelwa umhlaba salabo bantu abakhombisa ukungagculiseki ngendlela izinto ezisebenza ngayo ngenxa yokuthi labo abasemakomidini omphakathi bengakwazi ukubavezela kahle inzuzo abasuke beyenzile uma sekumele kuhlukaniswe imali nzuzo. Indlela esetshenziswayo ngemuva kokubuyiswa komhlaba ikhombisa ukungakwazi kahle ukusebenzela abalimi abamnyama kanjalo nokuthi kuzuze abanikazi bomhlaba, okungumphakathi. Ukubuyiselwa komhlaba akuyisebenzeli imiphakathi eminingi ingakho kukhona isidingo esikhulu sokuthi kubhekisisekwe kahle lendlela esetshenziswa uhulumeni yokubuyisa umhlaba kanjalo nokuqinisa ukuthi abalimi abamnyama bayakwazi ukuthi bethole uxhaso olufanele.

OKUVUNYELWENE NGAKHO KWINKOMFA KANYE NEZINYATHELO EZIZOTHATHWA

1. Ikhomishana Yokuqala:

Izivumelwano zabaphethe kwizinhlaka ezisebenza ngokuhlanganyela (JV Agreements)

1. Ukuqinisekisa ukulingana kwamandla okulawula kanye nokubamba iqhaza phakathi kwezinkampani ezisebenza ngokubambisana Kanye namalunga esigungo esiphezulu sekomidi. Inhlangotho u-SAFDA uzoletsha ukuqeqeshwa kwabasebenzi uphinde usize ekuqondiseni indlela yokusebenza ezinkampanini zabalimi.
2. Ukubuyekeza zona uqobo izindlela zokusebenzisana kwalezinhlaka.
3. Izivumelwano zomhlaba: Imiphakathi kumele ibe nolwazi ngezivumelwano ezisuke zenziwe uma kade kunezingxoxo zokudayiswa komhlaba nokuthi ikuphi okusuke kukhokheliwe.
4. Ukusingathwa kwezingqungquthela ngenhloso yokuzodingida kabanzi ngezivumelwano ezisuke zenziwe.
5. Isiphakamiso sokuthi kuhlanganise ndawonye ukunikezelwa kokuxhaswa kwezinye izinto zokusebenza kuma JV- Lokhu kwenzelwe ukuthi izinkampani lezi zangaphandle zingazinyuseli zona izindleko zezinto kanjalo nokuba negunya lokubhaka izitatimende zezimali.
6. Labo abaqashwe inkampani esebenzisana nenkampani yomphathi kumele bengasetshenziswa kakhulu okudlula labo abaqashwe ngokukhethwa umphakathi.
7. Izinhlaka ezisebenza ngokuhlanganyela ziqhamuka nezindlela ezinobuchule ukuze zikwazi ukunciphisa izindleko ngoba zibefuna kunyuke imali mbuyiselo- ukushintshwa komkhiqizo wenziwe okunye kanjalo nokulawula umshini

IZINYATHELO EZIZOTHATHWA:

1. Inhlangotho u-SAFDA izokwenza imizamo yokuxoxisana nomnyango wezoLimo, ezokuBuyiselwa koMhlaba kanye nokuThuthukiswa kwezindawo ezisemakhaya ngokuthi izivumelwano zokudayiswa komhlaba zitholakale, ngaphansi kwesigaba uSection-42d,

kube nezaziso kanye nokucubungulwa kwemibiko: ukucaciseleka ukuthi yini ethengiwe(isibonelo. Umhlaba usuke udayiswe nazo yini izimpande zawo noma zisuke zingekho)

2. U-SAFDA uzoletsha ochwepheshe abazosebenzisana namaJoint Ventures ekubathuthukiseni ngolwazi lwezokuphatha kanye nokuqhuba ngendlela umsebenzi okubalwa kuzona:
 - Ukubeyekezwa kwezivumelwano zokusebenzisana
 - Ubumini bezakhiwo zama JV
 - Ukulingana kwamandla okulawula kanye nokubamba iqhaza
 - Ukuqokwa kwabasebenzi
 - Ukunciphisa izindleko zokusebenza
 - Ukulekelelana ngosizo lokusebenza ngendlela elinganayo.

IKHOMISHANA YESIBILI: Izinselelo Zezikweletu

*Kuzoqhanyukwa nezisombululo ezizosiza kakhulu ukuxazulula izinselelo zezikweletu ezibhekene ikakhulukazi nabalimi abalima ngokubambisana ngaphansi kwamaprojekthi ikakhulukazi amaJoint ventures

- Inhlangotho u-SAFDA izoqoka uMchwanezi mabhuku ozocwaninga ngezemalimboleko
- Kuzohlelwa kahle noma kubhekisisekwe kahle isikweletu okuyisona esisemthethweni
- Ukunxusa uhulumeni ukuthi alekelele ngokukhokhela labo abanezikweletu zemalimboleko
- Ukubuyekezwa indlela yokusebenzisana ezogcina isiza umphakathi ukuthi udlale indima enkulu ebhizinisini
- U-SAFDA uzoxoxisana nenhlangotho yeNtela u-SARS ngodaba lwezikweletu ezikhungethe amaCPA kanye namaTrusts ukuzama ukuthola isisombululo

IZINYATHELO EZIZOTHATHWA:

- Inhlangotho u-SAFDA izocela umnyango wezoLimo, ezokuBuyiselwa komhlaba kanye nokuThuthukiswa kwezindawo zaseMakhaya ukuba usingathe uhlelo lokucubungula izivumelwano lwezokushintshisa ngemali okubalwa kuyo nolwemalimboleko.
- I-SAFDA FMS izocela uhulumeni ukuthi asize ngemali yokuthenga izinsiza kusebenza zokukhiqiza
- U-SAFDA uzoxoxisana nenhlangotho

yeNtela u-SARS ngodaba lwezikweletu ezikhungethe amaCPA kanye namaTrusts ukuzama ukuthola isisombululo

IKHOMISHANA YESITHATHU: Ukuthuthukiswa Ngamakhono

- Kudingeka ukuthi kube khona ukuthuthukiswa kwamakhono ukuze umphakathi ukwazi ukuba yinxenye yokuqokelwa izikhundla eziphezulu noma ezibalulekile ekusebenzeni kwama Joint Ventures



Abalimi ngesikhathi belalele izinkulumo kwiNkomfa ebebeyithamele

1. Ukuthuthukiswa kwamakhona kucina kuyinto eshicilelwe phansi akukho lapho kubhekwa khona ukuthi lokhu engabe kuyenzeka yini. Amanye ama JV awanazo ngisho izinhlelo zokuthuthukiswa kwamakhono komphakathi
2. Kudingeka ukuthi kwenziwe ucwaningo ngamakhono adingekayo emphakathini
3. i-SAFDA izobhekisisa ukusungulwa komnyango wokuhlolwa kanye nokuqikelelwa kwamakhono adingekayo
4. Amalungu omphakathi kuzomele aphantsi ngendlela elinganayo uma kunemihlangano emikhulu.
5. Amalungu omphakathi ayaludinga futhi uhlelo lokuqeqesha ngendlela ezobalula ukuthi bayiqonde.

IZINYATHELO EZIZOTHATHWA:

1. U-SAFDA izokwenza uhlelo loqeqeshwa kuphinde kufundiswe labo abaqokwe njengabaqondisi kanye nabanini bomhlaba.
2. U-SAFDA uzolekelela ekufundiseni umphakathi ngeMboni kanjalo nokuba ngabaholi abaqotho
3. U-SAFDA izobhekisisa ukusungulwa komnyango wokuhlolwa kanye nokuqikelelwa kwamakhono adingekayo

IKHOMISHANA YESINE - Ukuthuthukiswa Kwamabhizinisi

-Ingabe lingakanani iqhaza elibanjwa ngabanini bomhlaba noma umphakathi uma sekwenziwa umkhiziqo kamoba?

1. Kuzobhekwa indlela ezosiza ukungena ebhizinisini
2. Kuyadingeka ukuthi kube nemali yembewu uma uqala ukutshala.
3. Kumele abalimi bazimbandakanywe ezinhlelweni zokukhulisa umkhiziqo wabo-Imishini
4. Abathintekayo kumele balekelele ngemali yeMbewu
5. Ukubheka amathuba okuthuthukiswa kwamakhono
6. Ama-Joint Ventures kumele asungule uhlelo lokweseka amalunga abo ukuze abe osomabhizinisi abamkatshubovu.
7. Kumele kuphinde kubhekwe

amanye amathuba akhona ngomhlaba wabo kungaxilwa kumoba kuphela. (Isibonelo: Izithelo uphayinaphi kanye namakinati)

IZINYATHELO EZIZOTHATHWA:

1. Ama-Joint ventures kumele ahlele indlela okungathuthukiswa ngayo amabhizinisi kuphinde kuqeqeshwe kabanzi amalunga omphakathi angosonkontileka abanentshisekelo yokuba yingxenyekanye yokukhiqiza umoba nokubamba iqhaza emnothweni .
2. U-SAFDA uzolekelela ekuqalweni kwamabhizinisi omphakathi azokwazi ukhulomula kumathuba ezamabhizinisi.
3. U-SAFDA uzoxoxisana nongqongqoshe wezokuThuthukiswa koMnotho ngezicelo zokusekelwa kwamathuba okuthuthukiswa kwamabhizinisi akhiqiza umoba.
4. I-SAFDA FMS kuzomele ibheke amanye amathuba akhona ekuguquleni umkhiziqo kungaxilwa kumoba kuphela izobheka ezinye izindlela zokwenza amabhizinisi okuyiwona akhona futhi aphilisayo (isibonelo: Ukutshala izithelo, amakinati kanye nezokuvakasha)

IKHOMISHANA YESIHLANU:

Ukubusa/Ukuphatha

-ukubusa kokuphatha komhlaba, izinhlelo zamabhizinisi kanye nokuthuthuka komphakathi.



Abalimi ngesikhathi belalele izinkulumo kwiNkomfa ebebeyithamele

1. Ukubhunga kabanzi ngembangela eyenza kubekhona ukungaboni ngasolinye phakathi kwamalungu amaJoint-Ventures
2. Kunesidingo esikhulu sokunyusa imali nzuzo ukuze kwande isabelo mali somphakathi.
3. U-SAFDA kumele ulekelele ekuqeqeshweni kwamalunga omphakathi kanye nokuwakha ngamakhono.
4. Kumele kube ukwehlukana kwamandla okuphatha kwamalunga omphakathi kanye nalabo abanikezwe igunya lokulawula ibhizinisi ukuze kuqinisekiswa ukuthi umsebenzi webhizinisi uhambe ngendlela efanele.
5. Ukuhlaziya kabusha imigomo kahulumeni ukuze kubhekwe ukuthi ayisebenzi yini ngokwenzelela kwabathile.
6. U-SAFDA kumele ukwazi ukungenelela kwizinhlelo ezingasiza ekukhulisweni kwamabhizinisi
7. U-SAFDA kuzomele ungenelele ekuqhamukeni nezisombululo uma kukhona ukungaboni ngasolinye.

IZINYATHELO EZIZOTHATHWA:

1. U-SAFDA uzokwenza izigcawu ezivuleleke kumalungu ukuze kulalelwe izikhala ngokulingalana eziqhamuka ngaphandle nangaphakathi bese kutholakala isisombululo.
2. U-SAFDA uzoqala izinhlelo ezizolekelela ukubusa kwabaholi bamaTrusts kanye nama CPA.
3. Kuzosungulwa imigomo ezokwazi ukulekelela umphakathi uma iqoka lawo malunga azobamela njengabaphathi bomhlaba kanye nabaqondisi bezikhungo zamabhizinisi
4. Kuzohlelwa umhlahlandlela wokulekelela ukuthi kukwazi ukuthi kube khona ukwehlukana kwamandla okuphatha uma sekuziwa kubanini bomhlaba kanye nalabo abaqokelwe ukulawula ibhizinisi ukuze kubekhona ukuziphendulela.
5. Kumele kusungulwe umhlahlandlela womthetho yemihlomulo.

Uhlelo Lukamanyolo Selutakule Abalimi Abalima Ngokuncane



Kwesokunxele iNhloko yomnyango WezoLimo e-KZN, Lindiwe Hlubi;Isekela likaShlalo wakwaSAFDA Kanye noSifiso Mnguni Inhloko yomnyango wezabalimi kwaSAFDA ngesikhathi kuvakashe umnyango wezoLimo eSezela

INHLANGANO yabalimi iSouth African Farmers Development Association (SAFDA) yethule ngokusemthethweni uhlelo lukamanyolo (Fertilizer Project) Loluhlelo lwethulwe endaweni yaseSezela oGwini nesiFundazwe saKwaZulu-Natali ngonyaka owedlule. Loluhlelo lukamanyolo beluxhaswe nguMnyango wezokuthuthukiswa kwezindawo zaseMakhaya kanye nokuBuyiswa koMhlaba. Lolu xhaso lufike ngemuva kokuthi le nhlango yafaka isicelo kulo mnyango sokuthi ingabe iyiphi indima engadlalwa wumnyango ukunciphisa izindleko zokutshala zabaLimi abasalima ngokuncane. Umnyango wabe usunika uxhaso lwemali engu R133 066,553 ukusetshenziselwa ukuthenga umanyolo ngesikhathi sokutshala kumhlaba ongama-Hektha angu-35 000 kulolo hlelo kwahlomula abalimi abangu-11 000 esiFundazweni saKwaZulu-Natali kanye naseMpumalanga. Kuzokhumbuleka

ukuthi lenhlango yangena kwisivumelwano sokusebenzisa (Service Level Agreement) nomnyango kusukela ngonyaka u-2018 ngenhloso yokulekelele abalimi. Oyinhloko yalo mnyango esifundazweni saKwaZulu-Natali uMnu. Siza Sibande uthe njengohulumeni kade bazilungiselele ukuthi njengomnyango kumele benikezelo ngosizo olufanele kubalimi bakulesifundazwe ngoba kuwumsebenzi wabo ukuthi bakwenze". Umanyolo yiwona oyizindleko kakhulu kubalimi ngakhoke ukunikwa kwabalimi uxhaso lokuthenga umanyolo sinethemba elikhulu lokuthi kuzophunguka umthwalo emahlombe abo bese kubasiza kakhulu nasekutheni bakwazi ukwenza inzuzo ezobaphilisa ngomkhiqizo wabo ozobe uthe xaxa."Kusho uSibande. OnguSekela-Shlalo wakwa-SAFDA uLindiwe Hlubi uthe ngesikhathi kuqhamuka nombono wokuthi bacele

uxhaso kuhulumeni inhloso yabo babezama ukuvikela imboni kashukela ukuthi ingawi, futhi kusizakale nabalimi abalima ngokuncane."Kwasikhathaza kakhulu singu-SAFDA sisanda kusungulwa ukuzwa ukuthi kuthiwe babelinganiselwa ku-50 000 abalimi abalima ngokuncane ababekhona kulemboni sibe sesingenelela ukubanika usizo esiluthola kuhulumeni ngemuva kokunciphisa kwesibalo njengoba bebalelwa ku-19 000 abalimi abasekhona abalima ngokuncane." Omunye umlimi wabalima ngokuncane wasoGwini uBheki Mhlane uthe baluthokozela kakhulu uxhaso lukamanyolo abalutholayo luzobasiza ukunciphisa izindleko ababhekene nazo zokutshala "Emasimini ami bengihlezi ngibhekana nengcindezi yokubiza kamanyolo uma sekushaya isikhathi sokutshala lokho obekungenza ngibuye ngikungabaze ukuqhubeka nokutshala umoba ngenxa yokuthi bengigcina ngayiboni inzuzo". Kusho uMhlane.

Sebekhokheliwe Izimali Zezimbewu Zikamoba Abalimi



Umlimi waseMpumalanga uPatric Vilakazi ePulazini lakhe

Ekugcineni sezikhokheliwe izimbewu zikamoba kubona bonke abalimi abasalima ngokuncane (Small-Scale Growers) obesekuphele isikhathi eside zilindiwe kanti zitholwe yilabo abafanelekile nabakulungele ngokwemigomo yohlelo lwenhlangano u-SASA. Lezinkokhelo zikaJanuwari 2020 ziza ngemva kokuncishiswa kwezindleko zembewu ezasebenza ngesikhathi kutshalwa ngonyaka ka-2018. Izinkulomompikiswano ebeziphakathi kwezinhlaka ezintathu zemboni kaShukela bezimayelana nohlu lwabalimi abafanele

ukuhlomula kuloluhlelo yizona eziholele ekutheni kubambezeleke ukukhokheleka kwabalimi. Abalimi basesiFundazweni saKwaZulu-Natali yibona ababe ngabokuqala ukukhokheleka kanti kube nomdonsiswano omude ngohlu lwamalimi okumele bakhokhelwe esiFundazweni saseMpumalanga. Umdonsiswano wabaseMpumalanga uze waphoqa ukuthi kube nokubhekiswa kwezingcukaca zabanye babalimi eziphumelele ngemva kokuthi zidingidwe kabanzi emhlanganweni obuphakathi kukaSAFDA, RCL kanye neSA Cane Growers emhlanganweni obubanjwe

mhla zingu-31 Januwari 2020.

“Siyafisa ukunazisa ukuthi bonke abalimi ababethole izincomo ngokuthi bakulungele ukutshala ngeSeason ka2018-2019 esiFundazweni iMpumalanga ekugcineni sebezozithola izimali zabo zembewu kamoba ababelime ngayo. Lokhu kwenzeka ngoba uSAFDA ulwe kanzima ukuqinisekisa ukuthi abalimi baseMpumalanga abebevalelwe ngaphandle bayazithola izimfanelo zabo”. Kusho Oyinhloko emnyangweni wezabaLimi ngaphansi kaSAFDA uMnuz. Sfiso Mnguni.

Umakadebona Womlimi Usencome U-SAFDA Wanxusa Nentsha Ukuthi Ibe Ngabalimi

Owesifazane oneminyaka engamashumi ayisithupha nane (64) USindisiwe Mdluli wasendaweni yase-Ensingwini Reserve eGingindlovu nosebe kulemboni kamoba iminyaka engamashumi amane nesishiyagalombili (48). Umdluli wathola ipulazi lakhe lokuqala ngonyaka ka 1972. Lo wesifazane onabantwana abane uthi ukulima umoba ikhona okumngenisela imali emndenini wakhe". Ukuba ngumlimi kamoba kwenze impilo yami yabalula kakhulu ngakwazi ukufundisa abantwana bami ngabakhela nekhaya kumanje abanye bashadile bahlala emizini yabo ngenxa yemali engiyenza ngokutshala umoba". Kusho uMdluli.

Umdluli uqhube ngokuthi umanyolo abawuthola kwa-SAFDA kanye nakuHulumeni udlale indima enkulu emapulazini lakhe, uthi kumanje umoba wakhe usubukeka umuhle unomsoco futhi uluhlaza kahle uma uqhathanisa nowangesikhathi sangaphambilini.

"Bengisezinhlelweni zokususa zonke izimpande zikamoba ngiqale phansi yonke into kodwa indodakazi yami yabe isingitshela ukuthi angifake uhlobo lukamanyolo wakwaSAFDA okuthiwa i-5:1:5 yilapho ngaqala khona ukubona umehluko emasimini ami kuze kube yimanje konke kusamile ngendlela efanele. Umdluli uthi kumsize kakhulu ukuba ngaphansi kwabaluleki bakwaSAFDA nababizwa ngamaFarmers Development Advisors (FDA) ngoba bakwazile ukumfundisa ukutshala umoba ngendlela okuyiyona baphinda bamfundisa nokuthi iyiphi indlela efanele yokufaka umanyolo emhlabathini kanye nokufaka isibulala nambuzana kanye nokhula. "Bengijwayele ukutshala noma ikanjani futhi nginganaki kokunye indlela engitshale ngayo kodwa ngemuva kokuqeqeshwa ngendlela efanele ngabeLuleki bami ubemkhulu kakhulu umehluko ekutshaleni kwami".

Umdluli uthi uyafisa ukubona abantu



Umlimi waseKZN Sindisiwe Mdluli esePulazini lakhe eNsingwini eGingindlovu

abasha bengena emkhakheni wezoLimo yize abanye bebona lomkhakha njengodeleleke futhi bewubuka engathi owabantu abangafundile.

"Intsha yanamuhla izitshela ukuthi ukuba kulomkhakha wokulima mhlampe yingoba

ungenayo into ongayenza empilweni kanti iyakhohlwa ukuthi ezoLimo zidlala indima enkulu ngisho nasekuthuthiseni umnotho". Kuphetha uMdluli

Ukuzwakala Kuka SAFDA Emsakazweni Kusabalalise Ulwazi Kubalimi

INHLANGANO yakwa-SAFDA yathenga izikhathi ezihlukene kwisiteshi somsakazo iVuma FM esingezinye zeziteshi ezihamba phambili esiFundazweni saKwaZulu-Natali ngabalaleli abangaphezu kwesigidi. Loluhlelo lokuzwakala kuka SAFDA emsakazweni luthathezinyanga eziyisthupha ngenhloso yokubhebhethekisa kabanzi ngezinhlelo zale nhlango kanye nokusebenza kwayo okubalwa phakathi imisebenzi eyahlukene eyenziwa iziminenja, Imihlomulo evela kuhulumeni kanye nangohlelo iMantirho Foundation programme.

Izingxoxo ezazenziwa zazihlanganisa izikhulu eziphezulu zalenhlango esifundazweni i-KZN kanye nesifundazwe saseMpumalanga. Lezinkulamo zaseMsakazweni zikaSAFDA bezenzeka Kanye ngesonto nobekuthatha imizuzu elishumi nanhlanu (15 minutes) kanti ngenyanga lenhlango yayithola ithuba lokuba semoyeni izinsuku ezine kukhulunywa ngemisebenzi yale nhlango, izinselelo kanye nezinto esikwazile ukuzenza ukushintsha izimpilo zabalimi bamoba abamnyama.

Ukuthengwa kwesikhathi kwiVuma FM kwakungagcini ngezixoxo kuphela kodwa kwakukhona nezikhangiso ezazidlala ezinhlelweni ezahlukene kusukela ohlelweni lwesidlo sasekuseni oluqala ngehora lesithupha ekuseni kuya kwizinhlelo zasebusuku eziphela ngehora leshumi ebusuku. Ukuqala kwezixoxo zaqala ukungena ligamenxe ihora lesikhombisa ekuseni kuya ku 07:45 nokwathi ngokuhamba kwesikhathi lwashitshela ohlelweni lwezindaba lwantambama olwenziwa nguManelisi Ndwandwe olubizwa ngokuthi Ikzn in60 minutes uSAFDA ubungena emoyeni kusuke ngehora lesikhombisa kusihlwakuya ku 19:15. Lokhu kuba semoyeni kukhulunywa ngalenhlango kwakungagcini ngengxoxo kodwa yayiphinde ithole ithuba lokungena kwezixoxo zabalaleli bebuza



Vuma FM logo

imibuzo, ama-emails kanye nemiyalezo eyayiqhamuka ngezinkundla zokuxhumana i-facebook. Amanye amaziko abezindaba nawo abe esekhombisa

ukuba nentshisekelo yokusebenzisana nalenhlango ngenxa yethuba eyalithola kwiVuma FM elasabalalisa kakhulu ukusebenza kwale nhlango.